



## **TEARMANN ÉANNA TEO**

### **Iarratas ar Thairiscint**

### **Seirbhís Iniúchóra Seachtrach**

#### **Cúlra**

Is comhlacht teoranta pobal bhunaithe é Tearmann Éanna a chuireann seirbhísí riachtanacha ar fáil do dhaoine atá ag dul in aois i gceantar Gaeltachta dheisceart Chonamara. Soláthraíonn an t-eagraíocht réimse leathan seirbhísí ina measc

- Tithe sóisialta
- Ionad lae
- Seirbhís béile ar rothaí
- Seirbhís cúram baile

Tá fás agus forbairt ag teacht ar an eagraíocht le blianta beaga anuas agus i láthair na huairé tá an comhlacht ag tabhairt faoi dhá láthair nua do thithe sóisialta a fhorbairt chomh maith le seirbhís cúram baile a sholáthar do dhaoine ina dtithe féin. Cuideoidh na tionscnaimh seo go mór le daoine atá ag dul in aois maireachtáil go neamhspleách ina dtithe féin.

Tá Tearmann Éanna mórtasach as na seirbhísí a chuireann sé ar fáil do cheann de na grúpaí daoine is leochailí sa phobal. Tá sé de rún ag an gcomhlacht leanúint de bheith ag forbairt na heagraíochta agus cur leis an bhfreastal a dhéantar ar na spriocghrúpaí a thagann faoinár gcúram.

#### **Struchtúr na hEagraíochta**

Déanann Bord Stiúrtha Thearmann Éanna, atá comhdhéanta d'oibrithe deonacha, stiúradh ar obair na heagraíochta. Is mar seo a leanas atá struchtúr foirne na heagraíochta:

- Bainisteoir Stiúrtha
- Riarthóir Oifige
- Oibrithe seirbhíse (4 idir oibrithe lánaimseartha agus páirt-aimseartha)
- Seirbhís Cúram Baile – (23 / 24 oibrí a fhaigheann íochta de réir líon na n-uaireanta déanta)

Faoi mar a thagann méid ar sheirbhísí na heagraíochta is ceart a bheith ag súil go mbeidh níos mó foirne á earcú ag an eagraíocht. Tá sé seo fíor go háirithe i gcás an réimse seirbhís cúram baile leis an bhfoireann ag méadú agus ag ísliú ó thráth go chéile.

#### **Na seirbhísí lena mbaineann an tairiscint**

Tá Bord Stiúrtha Thearmann Éanna tar éis athbhreithniú a dhéanamh ar struchtúr riaracháin airgeadais na heagraíochta agus dá thoradh sin tá sé i gceist na socraithe seo a leanas a chur in áit:

- Ceapfar comhlacht nó duine aonair chun seirbhísí cuntasáíochta agus párolla a sholáthar
- Ceapfar comhlacht cuntasáíochta chun seirbhísí iniúchta a sholáthar. Is féidir go mbeadh an comhlacht nó an duine céanna a sholáthraíonn na seirbhísí cuntasáíochta agus párolla ag cur an tseirbhís iniúchta ar fáil chomh maith, ach na cáilíochtaí iniúchta cuí a bheith acu
- Ceapfar iniúchóir inmheánach don eagraíocht. Ní féidir leis an iarrthóir rathúil i gceachtar den dá réimse eile feidhmiú mar iniúchóir inmheánach.

Baineann an tairiscint seo le **Seirbhís Iniúchta Seachtrach amháin**.

### **Seirbhís Iniúchta Seachtrach**

Tá Tearmann Éanna ag lorg tairiscint do sheirbhís iniúchta seachtrach a chuimseoidh ar a laghad an réimse seo oibre:

- Iniúchadh bliantúil a dhéanamh ar ráitis airgeadais na heagraíochta agus teastas iniúchta a sholáthar mar is cuí
- Deimhniú go bhfuil na ráitis airgeadais ullmhaithe i gcomhréir le hAcht na gCuideachtaí
- Tuairim a thabhairt an bhfuil leabhair chuntais cheart coinnithe ag an gcomhlacht agus an bhfuil na ráitis airgeadais ag réiteach leis na leabhair chuntais
- Tuairisceáin bhliantúla reachtúla a ullmhú i gcomhréir le riachtanais Acht na gCuideachtaí
- Comhairle a chur ar an mBord Stiúrtha agus ar an mbainisteoir maidir le gnóthaí agus staid airgeadais na heagraíochta

### **Struchtúr airgeadais na heagraíochta**

Feidhmíonn Tearmann Éanna córas airgeadais Quickbooks chun taifead a dhéanamh ar idirbheartanna airgeadais na heagraíochta. Tá an comhlacht ag lorg iarratais ar thairiscint I láthair na huairé do sheirbhísí cuntasáíochta agus párolla agus beifear ag braith cuid mhaith ar soláthraí na seirbhíse sin chun a chinntiú go bhfuil dea-chleachtais airgeadais i bhfeidhm san eagraíocht. Sa bhreis ar an méid seo ceapfar iniúchóir inmheánach chun tacú le struchtúr rialachais chorparáideach na heagraíochta.

## **ÁBHAR NACH MÓR A BHEITH SAN IARRATAS TAIRISCEANNA**

- Eolas ginearálta faoin gcomhlacht nó an soláthraí seirbhíse
- Dearbhú maidir le incháilíocht chun teastas iniúchta a sholáthar
- An costas a bhainfidh le soláthar na seirbhísí. Is ceart na costais a bheith luaite gan CBL ach ba chóir an ráta CBL a lua.
- Cuntas ar aon tuiscintí go bhfuiltear ag brath air mar chuid den tairiscint
- Cumas gnó a dhéanamh trí Ghaeilge

## Critéar Measúnaithe

Déanfar measúnacht ar na tairiscintí ag úsáid an critéir seo leanas:

Critéar	Luach
Caighdeán na dtograí tairisceana	15%
Léiriú ar chumas na heagraíochta na seirbhís seo a chur i gcríoch go sásúil	20%
Fianaise maidir le taithí agus inniúlacht an chomhlachta i soláthar seirbhísí den chineál seo	20%
Costas	45%

## Spriocdháta & Eolas Breise

Ba chóir an tairiscint a bheith faighte in oifigí Thearmann Éanna seo faoina **4.00 i.n. 21ú Deireadh Fómhair 2016** ar a dhéanaí. Glacfar le tairiscintí tríd an bpost amháin.

Is féidir **cóip crua** den tairiscint i gclúdach dúnta le hainm agus seoladh an comhlachta agus é marcáilte **TAIRISCINT – SEIRBHÍS CUNTASAÍOCHTA & PÁROLLA** a chur chuig:

**Máirtín Ó Donnchadha**

**Rúnaí, Tearmann Éanna Teo**

**An Tulach, Baile na hAbhann, Co. na Gaillimhe**

I gcás go bhfuil eolas breise ag teastáil, is féidir ríomhphost a sheoladh chuig Tearmann Éanna d'aire Peigí Uí Chéidigh ag [tearmanneanna@eircom.net](mailto:tearmanneanna@eircom.net). **Ní fhreagrófar aon cheisteanna maidir leis an tairiscint tar éis 4.00 i.n. 14ú Deireadh Fómhair 2016.** Aon eolas breise a thabharfar do thairisceoir amháin, tabharfar do gach tairisceoir é.

## Téarmaí agus Coinníollacha

- Beidh ar an gconraitheoir roghnaithe agus/no aon fhoconraitheoir a cheaptar teastas glanta cánach bailí a chur ar fáil nó i gcás comhlacht neamhchónaitheach Ráiteas Oiriúnachta óna Coimisinéirí Ioncaim go bhfuil siad sásta leis an gceapachán ar chúinsí cánach.
- Glacfaidh Tearmann Éanna Teo leis an tairiscint a chuireann an buntáiste eacnamaíoch is mó ar fáil don chomhlacht. Ní gá gurb í sin an tairiscint is ísle. Ní bheidh aon dliteanas ar Thearmann Éanna maidir le costais a eascraíonn as aisfhreagra a thabhairt ar an gcuireadh seo chun tairiscint a dhéanamh.
- Ba chóir do gach páirtí atá ag déanamh tairisceana a bheith ar an eolas go bhfuil feidhm ag an reachtaíocht náisiúnta a bhaineann le Cosaint Sonraí, Pá Íosta (ar a n-áirítear comhaontuithe tionscail agus earnála atá ina gceangal dlí), Bainistíocht Dramhaíola, an Comhshaol, agus Sláinte agus Sábháilteacht. Táthar ag súil leis go gcomhlíonfaidh an tairgeoir rathúil na gnéithe ábhartha den reachtaíocht sin.
- Is féidir le Tearmann Éanna Teo deireadh a chur leis an bpróiseas tairisceana seo ag aon am sula mbronntar an conradh agus gan aon dliteanas a bheith ag eascairt as an méid sin.